

# Kerjasama UMS, Universiti Hamburg kukuh hubungan

Um 15.11.2012 22

KOTA KINABALU 14 Nov. - Kerjasama bidang pendidikan antara dua universiti di Malaysia dan Jerman terus diperkukuhkan melalui memorandum persefahaman (MoU) antara Universiti Malaysia Sabah (UMS) dengan Universiti Hamburg.

Naib Canselor UMS, Prof. Datuk Dr. Mohd. Harun Abdullah berkata, skop pemahaman yang dimeterai itu tertumpu kepada pertukaran ahli akademik, penyelidik dan pelajar sama ada di peringkat prasiswazah mahupun pasca siswazah.

Katanya, kerjasama dalam penyelidikan dan penganjuran persidangan peringkat antarabangsa turut menjadi agenda utama dalam pemeteraian MoU tersebut.

"Kerjasama ini sangat baik dalam mengukuhkan hubungan antara UMS dan Universiti Hamburg, sekaligus merapatkan hubungan diplomatik antara Malaysia dan Jerman," katanya dalam majlis menandatangani MoU antara kedua-dua buah universiti terbabit di sini baru-baru ini.

MoU itu ditandatangani Pendafatar UMS, Datuk Abdullah Mohd. Sa-



**MOHD. Harun Abdullah (tiga dari kiri) melakukan pertukaran Memorandum Persefahaman antara Universiti Malaysia Sabah dengan Universiti Hamburg yang diwakili oleh Henrich Graener (lima dari kanan) di Universiti Hamburg, Jerman, baru-baru ini.**

id, manakala Universiti Hamburg diwakili Dekan Fakulti Matematik, Informatik dan Sains Tabii, Prof. Dr. Henrich Graener dan Timbalan Dekan Hal Ehwal Antarabangsa, Prof. Dr. Ingeun Gasser.

Pemeteraian MoU tersebut me-

rupakan lanjutan daripada memorandum sebelum ini yang ditandatangani pada 2008.

Sementara itu, Henrich dalam ucapannya berkata, UMS telah membuktikan kemampuan yang diberikan sebelum ini apabila ber-

jaya menyelia salah seorang pelajar universiti tersebut sehingga tamat pengajian dalam bidang perhutanan.

Katanya, pihak universiti di Jerman itu juga bercadang menubuhkan sistem pengajian baharu me-

libatkan mahasiswa universiti itu dengan UMS.

Jelasnya, melalui sistem tersebut, penuntut Universiti Hamburg akan belajar selama tiga tahun di universiti tersebut sebelum menyambung pengajian di UMS selama setahun.